



POLELO EA LETONA LE LICHELETE

Kea le lumelisa Basotho ba hes'o.

Ke leboha monyetla ona oo ke o filoeng ho tlaleha mona ka boemo bo hlobahetsang bo hlahileng Lekaleng la Lichelete. Re fumane tlaleho bekeng ena e qalileng ka la mashome a mabeli (20th September 2021) Loetse, ka pelaelo ea lichelete tse tsoileng ho patala likhoebo kantle le ka har'a naha, ka boqhekanyetsi. Tse ling tsa likhoebo tsena ha li fumanehe sesiung sa likhoebo tse ka fanang ka lits'ebeletso kapa thepa Makaleng a amehang.

Re fumane hore ho bile le teko tse 'maloa tsa ho patala, me ho tsona ho bile le tse feteng ka katleho ho ea libankeng tsa ba belaelloa, ho boetse ho bile le tse sa fetang ka katleho. Boqhekanyetsi bona bo entsoeng ke bahlanka le bo 'mate ka ntle le ka har'a naha, bo hakanyetsoa hore bo amme chelete e Maluti a Mashome a mahlano a limillione (50 Million). Hona ke se sehloho se ts'abehang ka chelate ea sechaba eo e seng e ntse e fokola hore re patale ka sekhahla se lokelang, lits'ebeletso le thepa e seng a fanoa Makaleng ka Mekhoa e nepahetseng.

Re se re tlalehile litaba tsena ho mafapha ohle a ts'ireletso 'me li phuphutso li se li qalile ka matla. Re se re behelletse ka thoko bahlanka ba haufi le ts'ebetso ea lipatala ho akofisa ts'ebetso ea li patlisiso. Re boetse re se re ntse re hlahloba tsela ea ho etsa litefo ho ea fihla libankeng e le ho ntlafatsa mekhoha ea ts'ireletso ea chelate ea Sechaba sa Basotho.

Basotho ba hes'o,

Lefats'e le tlokotsing ea seoa sa Corona, se putlamisitseng meruo ea linaha, 'me Lesotho hase mokhelo. Maemo a lichelete Lesotho a thefulehile haholo. Ke bomalimabe bo hlolang hore re ntse re le ka hara maqakabetsi ana ebe ho ba le ba ikhapelang lichelete tsa 'Musso ka boqhekanyetsi. Re se re ipiletsa ho Basotho ka moka ho fana ka menyenyetsi le ho re thusa hore baetsi ba ketso tsena tse khopo, molao o sebetse ka bona.

Molimo a boloke Lesotho, Molimo a boloke Basotho.